



Kenyataan Media

SEORANG DIDAKWA, LIMA DIKOMPAN SEBAR BERITA PALSU KRISIS TENAGA GLOBAL

CYBERJAYA, 16 April 2026 --- Suruhanjaya Komunikasi dan Multimedia Malaysia (MCMC) telah menerima keputusan daripada Jabatan Peguam Negara berhubung kertas siasatan kes penyebaran berita palsu mengenai kenaikan harga bahan api susulan krisis di Asia Barat.

Jabatan Peguam Negara telah memutuskan satu (1) kes untuk didakwa di Mahkamah Sesyen Sepang, lima (5) kes ditawarkan kompaun, dan empat (4) kes diberikan Surat Amaran.

Susulan itu, MCMC telah mengeluarkan lima (5) tawaran kompaun kepada individu terlibat dengan nilai kompaun sebanyak RM25,000 setiap seorang.

Kesemua tindakan ini adalah hasil siasatan di bawah Seksyen 233 Akta Komunikasi dan Multimedia 1998 (Akta 588), yang memperuntukkan hukuman denda maksimum RM500,000 atau penjara sehingga dua (2) tahun, atau kedua-duanya sekali, jika sabit kesalahan.

Orang ramai diingatkan agar sentiasa menggunakan platform digital secara bertanggungjawab dan tidak menyebarkan kandungan yang boleh menjejaskan keharmonian masyarakat serta ketenteraman awam.

KOMUNIKASI KORPORAT MCMC

Suruhanjaya Komunikasi dan Multimedia Malaysia | Malaysian Communications and Multimedia Commission
MCMC Tower 1, Jalan Impact, Cyber 6, 63000 Cyberjaya, Selangor MALAYSIA
T: + 60 3 86 88 80 00 | F: + 60 3 86 88 10 00 | E: corporate.communications@mcmc.gov.my | W: www.mcmc.gov.my

